

聖賢之書

重刊點蒼山人詩鈔後序

士大夫出而問世知有仁愛及民不知所謂榮辱也仁愛及之矣而措諸事業有不當君子不深譏焉仁愛之不及而求事業之偶合渺乎小矣事業之偶歧而求有當於詞章抑又小矣故詞章者古之君子偶一寓意而無足輕重者也昔者東坡氏未嘗不以詩名而不朽盛名始於黃州之貶知此老胸中別有大事業在其蓄而未發者殆百倍於詩也世風日下得意卽以爲榮失意卽以爲辱而於民間疾苦如秦人視越人之肥瘠漠然無所動於中獨沾沾焉從事於詩者不過爲弋取名譽計與古人所謂詩以理性情者左矣予外曾王父古榆沙獻如先生溫柔敦厚長者也前清乾嘉間作令於皖歷任懷甯建德霍邱等縣皆有仁愛及民嗣將去霍邱爲後任以承審逆案不實舉發其罪例戍邊而一時懷甯建德霍邱士民咸具公呈代贖罪大吏以聞於朝遂得免凡以見甘

棠遺愛黍雨留恩不是過也予自吾滇光復後從戎於榆其裔孫以公之詩集
行述見贈受而讀之知公之惠及窮黎故能深入人心如此間以其餘發爲詩
章又能抒寫性情得古人風雅之旨因兵燹火其原板今特爲重刊以廣流傳
俾世之忝然民上僅以詩人自命而不知仁愛及民者讀先生詩而有以自警
也是爲序

歲在民國乙卯秋九月外曾孫王廷治謹識



有意無意雲合離雲頽樹偃泉奔垂奇觀最愛師林石恨不雲林見此奇
一死酬歡釋兩危青樓俠骨豔當時而今姓字無人識欲訪桃根那更知
湖上雲開翠島浮泥塗車馬自啾啾詩情誰似蘭徵士盡日凭欄對水鷗

石雲
棟棟
街

蘭徵
君

葬祠凭欄句
先生詩也

嶺路縈紆闕古祠枯杉鐵立苑新枝披雲漬雨閱人代漫滅武侯盟爨碑

關嶺
古杉

野漲迷津渡沿緣月掛村卽今迂路改猶自影塵根

霑益新橋塘

野曠人烟少天低霧雨冥老樹豬都古連山燕麥青

宣威

石墨深藏土窟山民逐利星星奇哉創用誰始得火瓷花泛青

松韶關上石崔巍來遠舖前行客稀一路松韶聽不徹離離雲氣濕征衣

蘚石斑筠夾路鼓杜鵑啼血淺深紅山行始盡花情態豔舊濛濛煙雨中

杜鵑
花

燈光雲氣疊波潏颯颯山窗響亂筠茅店不愁眠聽雨而今行路是閒人

可渡河和吳梅村先生原韻

翠屏巖上款禪關倚檻驚眸兩岸山
金馬千秋傳轅道銅山一線轉烏蠻
蓬蓬
溽雨雲搏上撲撲深林鳥猝還舊是相如馳檄路
鑿痕重疊蘚花斑

歸路又和

彩雲西湧碧雞關歸路崢嶸可渡山
隨意逍遙忘鷺鷥澄懷得失等蝸蠻
金丹
自古仙靈祕歲月何由逝水還繞壁自尋前日句
墨花經雨翠斑斑

盤江

可渡橋邊問水盤江從此洋洋力能排山到海
可惜閒曠蠻方

可渡河

翠屏崖僧寺題壁

絕壁梯雲上碧空思量此事亦神通
若教名利心除盡便是三關透徹功

馮登瀛鎮府雨中小飲

總戎坐嘯日舒長蒿目窮黎歲浹荒剪燭雨牕談海嶠艱難猶不屬山鄉

烏撒喜晴和楊升菴先生難逢烏撒晴原韻

容易黃河清竟逢烏撒晴昔人悲遠謫今我適閒行雲帚倒回岫龍菹青到城
遐荒詩自遣等是可憐情

威寧八首

幽谷雲蘿碎剪霞清新適我興無涯籃輿好注軍持水滿浸園林未見花
島石嶙峋艸蕩長雲腥雨膩暗蠻鄉權奇不少龍坑馬一例銅山老運綱
石磧如沙磧蕎農雜稗農金寒蕃健馬海濶恣淫龍

烏蒙海

山半雲橫樹杪平上山微雨下山晴沿溪石磴嵯峨起又向白雲行處行
蹇聲空谷聽寥寥路轉林開野霧消啼鳥遠呼沽酒酒花邊不見挂帘飄
當頭路轉俄逢坦擁鼻詩成喜不禁習苦蓼蟲甘嚙葉弄晴山鳥自憐音

新塘

出雲降雨响爾萬穴千峯竊然不辨珍逢牛相直堪拜殺米顛

茸茸萬畛擴田園絕壁玲瓏瀉碧潺第少苛求來狹口更從何處覓桃源

河隔
遮

水城至安順道中十一首

突姑東下水奔流橫嶺千重悍不收到眼茫茫山似海驚潮過後亂漚浮
競將金碧畫崔巍老米灰堆妙染煤何似水西西浦上拂人濃翠一堆堆
峯如聚米連高困巖似揚帆峭碧氛兀兀籃輿消永夏茫茫身世屬迷雲
蘚石玲瓏細竹斑青崖繞屋翠孱顏村翁不解開牕牖却疥銀牆畫墨山
元兵囊渡定滇疆下水高瓴勢已張鬼國有人憂宋社惹他朝士笑荒唐
空堂塊獨思無何撰轡高翔重障多遮莫壯心人似鐵青山如礪與銷磨
急雨中宵迅轉雷烟嵐洗淨曉山開懸崖百道銀瀧下併起長河殷地來
跨壑穿巖盡職方奇標異構只尋常濫觴晉宋譚山水到此因知失望洋

脚大
崖

著相見聞同是漏集緣世界習成歧壅還牆壁還無壅好看黔山變幻奇
男把芟鋤婦壅禾山花燄燄簇香螺那知人世姬姜美笑語依依嫵媚多
簸易河沙晃夕曛垂空篠簜石繽紛東巖淒喚西崖應聽徹清猿和白雲

貴陽五首

曉氣澄澄日上團千山東輕楚天寬蘭沅源上思香草烟水雲山更森漫

山曉望

黔寧

城郭深嚴嶺阜通苗蠻四面領華風須彌一葉青蓮上世界含苞萬蕊中
倚檻千峯出女埤虹橋雲樹舞淪漪憑誰墮却巖端廈放眼穿天雲洞奇
孤雲靄靄欲何馳垂老方知學道遲遙蕩恣睢途轉徙乘成天地大爐錘
古有遠求勾漏今無人乞貴州瑩瑩丹砂滿市渺渺葛令風流

遊南
橋雪崖

貴山陽明書院感懷

山川有險易及境乃得窺人心有險易未境已潛滋平地陷阱納斗室車馬馳
誰使復誰覺所妙自知之憧憧百年內恍惚不自持有時發惺寤聞見逐外移
惺惺塵埃境失此照用姿奇哉陽明子一唱致良知

四時運用行不待何以行百昌日夜生不謀何以生人心唯虛靈格致此虛靈
靜無禪縛苦動無外蔽縈學問既核實功業非剽營知行理無二厥義實泓澄
紛紛排擊者無乃失心平斯人已千古不聞來者聲窅窅貴陽山浩浩雲烟橫

題松門池館四首

嚴城萬廈蹙鱗筌勝地清深敞洞天簾幕重重隨意捲好山都到畫樓前
平開甃徑遠林巔碧水長橋鏡影懸鷺地荷香廊檻轉田田風葉翠無邊
竹郎山水擅幽奇錦石銀泉嶰谷猗盡日雲嵐晴又雨層層蒼翠上玻璃
樓閣參差畫不如木蘭牒子見花初山鄉确犖難消暑慰我荷纓舊日裾

札座駟見林念杭司馬題壁

雪泥指爪認飛鴻舊館人猶惜寓公百丈帆檣航大海也憑人力也憑風

播州寓六首

才人遠摘古來愁急難交情見柳州自笑平生輕萬里六年兩度播州游
夜郎盤曲五溪遙雨後峯巒暮靄消明月一池清似水無端惆悵憶龍標

長橋百坎連錦石漱平川小立披雲海颯颯五十絃

東門橋

櫟林被山坂處處鳴絲機焦守舊遺化樹中出妙衣

華嚴經語題焦太守祠守山東人教民以櫟林放蠶織繭以

富庶

連連播州山峭蒨來青閣涼風生老槐雲影高不落

閣在郡署東苑

搖曳湘溪雲漸揜桃山洞白雨過城頭篠簜懸崖弄

來青閣望桃山來雨

飲任恒齋協府池館

方花鏤古楚戎府何沈沈老桂沃洗滌炎天涼陰森

協府爲楊應龍故集穴

游桃洞山太白樓贈陳復廬少府

巖亭林樹簇雲岑仙尉風流寓遠心世界也須人料理最難山水得知音
陳復廬索題太白樓詩

巫山江上脫青蓮生幸汾陽爲洗愆當日酺恩曾不預而今爭借夜郎天

雨後福靜圃太守招遊竹林諸寺飲謫仙樓上

白雲拂拂透絺袍照眼奇峯湧近皋洞入曲珠穿蟻徹巖搯斷石駕黿高靈山
欲倚謫仙重異境何當康樂遭亭榭重重隨處好深篁雨滴響琅璈

太守心怡雨滿川相攜石磴上層巔青森蠶野千林櫟合沓人聲萬井烟遠岫
嶮嵯雲海盪危樓縹緲葦珠懸朝舖莫遣行觴急水色山光正潏然

黔西道中三首

播山點點透雲天南望牂牁嶺折旋陸海萬波人一芥不知何事此留連
當橋賣酒龍鍾叟倚石撐椽三五家飛瀑隔林翻白雪丹巖射日爛紅霞
革駁溪西低夕曦崎嶇登頓痛夫遲摺疊層巖架簡軸伊憂飢腹嬉書癡

溪革駁集

書崖
戲題

大定道中十二首

到來洞口見人煙洞裏川原好稻田眩眼游人穿洞出又懸一洞達青天

路塘穿

舊路穿洞出入塘東西無
厓不洞無洞不穿奇極

聽徹清溪九曲迴萬山西豁攬風臺印雲笳雨交參錯天地悠悠鑿空才

東大坡定

望滇
諸大山

墾巖種包穀蓬勃青巒樂歲炊珠米生涯仰石田

警衆看蕎豆鑼聲夜遠聞寧知淮汝上拾麥廣成羣

織錦飾苗衣習尙頗華腴流移日漸增苗衣亦藍縷

苗財盤可盡苗土墾無遺前人趁利至適得後人飢

眯眼塵寰局局行空山雨過晚涼生長溪雲氣平如砥千仞岡頭看月明

新望
屯夜

嶺

盤磴鱗鱗盪水聲平心坎險不平平身塵世界塵塵等毘舍如來證記明

河六
歸

細草繁花蒨石苔荒塗宛轉淨無埃翩翩異蝶嬉晴景飛向籃輿去又來

古戍明師壘荒祠漢禡山瓴高三竹水天近七星關

七星關

蟠蟠嶺路逼天青名利艱辛客不停恰似海人甘食蠟重重堅殼一蠔腥

銀
廠

月出東崖底斜輝生澗陰蒙龍上石角知我延佇心

自界河抵楊林十首

買酒滿酬輿力回看苔磴雲斑勞渠重繭百舍出我二鐵圍山
理鍛終朝忘暑撫琴得趣非聲道人看經遮眼閒客遊山當情
喜見青松滿道黔中久未相逢一錢飽餐玉粒五鬢響助金風
溪聲喧白雨雲氣裊青峯驀地斜陽出長虹落澗松

大龍嶺上擎雲梢疊巘遙巒劃澗坳落日芊芊平等燄倒垂荷葉萬千苞
目極西南萬里天藐身今古思悠然青松遞遠晴雲白無限平山疊眇綿
烏龍箬底雲蒼茫白堦鋪前風雨狂傍道老松不蔽客龍鍾石丈嗤郎當
大壑松濤萬派潺雲煙漠漠暗隆川細雨暝鐘關索嶺少年長路景依然
燦爛虹霓起半空海潮寺外夕陽紅莫愁晴雨無憑准秋在湖烟樹靄中
山程到此總逡巡泉性由來也具塵毒水碑前閒討究知何附入誤妨人

林中堂原韻泉今可飲知
前有附入者非水毒也

和毒
西水

海潮寺和鄂文端公題壁韻

走馬當年似轉丸，今來已覺路盤跚。
半生遊宦一嘗指險步，驚心百尺竿湖上。
亭臺披曉鏡，雨餘雲氣裊層巒。
留題最愛西林句，塵土身名等自看。

又和

紅日奔跳疾彈丸，朝朝相逐奈蹒跚。
不妨阮籍窮車趣，難舍任公舊釣竿。
渺渺扁舟歸別島，離離尺篋記仙巒。
蕭閒等負名山約，袖手看人惋自看。

板橋龍潭

巖洞晶瑩勺水遊，鱗紛逕行空憶曾。
投石深窅頃刻雷雨冥濛。

駟亭有感故同年戴崧雲

毳毼歸塗共酒瓢，棄繻心事耿難銷。
淒迷廿五年前約，秋雨秋風舊板橋。

題店壁

樂府高情興採薇隨流宛轉莫心違忘憂信有馳驅樂渺渺天涯安所歸
碧雞祠村塾訪張懋齋不值

擬得長談款絳紗故人歸棹渺昆涯蒼苔小院香雲滿山雨霏霏濕桂花
迤西道中十四首

蒙茸綠嶂蹙人家樹底長橋石塹斜三十六灣蘭谷響猩紅開遍刺桐花
雨後秋光闢鏡奩曉峯重疊黛痕添閒雲也戀人寰好山下渟滢懶上尖
樹影橋邊合雲情雨後閒小樓無限好人倚夕陽山

炎蒸鬱林莽兀坐待遲月炯炯入蓬窗寂爾蚊雷歇

露重秋光白山深曉意寬沿緣修竹下幽鳥噪晴歡

西風渲染雁來紅籬豆繁花蔓紫茸繞屋秋蕎霏絳雪天然景色豔山翁
雞聲人語馬蕭蕭獨客閒遊未寂寥野霧漸分層岫出光光落月滿沙橋

山橋雨過裊寒煙
舊舊幽光照水邊
空谷佳人修竹倚
淡妝婀娜出天然
千峯萬壑朗晴川
積翠澄澄海日鮮
雪影依微三百里
點蒼高出彩雲天

木芙蓉

普中湖

望點蒼

葉鏡湖邊熟萬疇
家家開柵放耕牛
炊煙翠抹平山轉
窈窕青林一壑秋
詩情飲興較增無
青海雲平紫稻鋪
爲報先生多置酒
齋田今歲十分租

青中海

擬示袁蘇亭一笑

波羅江水百谷連
定西嶺上初涓涓
一路清音到西洱
歸雲迢遞琅璈仙
柳花送客春濛濛
龍尾關河路正東
一度人歸一度老
却憐秋柳晚秋風
幔亭喧鼓樂擁路
看婆娑自有還家
樂點蒼明月多

是日中秋江
津洞賽會

鄧川楊貞女詩

五星在天上不專何宮垣
正氣在人間不限何山川
鄧賤昔蠻邦美色生禍端